

# Sultan Selangor ziarah pusara Tun Abdullah

**Kuala Lumpur:** Sultan Selangor Sultan Sharafuddin Idris Shah bersama Tengku Permaisuri Selangor Tengku Permaisuri Norashikin berkenan berangkat menziarahi pusara Perdana Menteri kelima, Allahyarham Tun Abdullah Ahmad Badawi, di Makam Pahlawan, Masjid Negara, di sini semalam.

Baginda berdua berangkat tiba pada jam 9.30 pagi juga menyertai bacaan tahlil dan doa dipimpin Mufti Selangor, Datuk Dr Anhar Opir, selain turut menabur bunga dan menyiram air mawar di pusara Allahyarham Tun Abdullah.

Turut hadir, anak bekas Perdana Menteri itu, Tan Sri Ka-

maluddin dan Nori serta suaminya, Khairy Jamaluddin.

Selain itu, baginda berdua turut menziarahi pusara Perdana Menteri kedua, Allahyarham Tun Abdul Razak Hussein; Perdana Menteri ketiga Allahyarham Tun Hussein Onn dan Timbalan Perdana Menteri kedua, Allahyarham Tun Dr Ismail Abdul Rahman, yang turut disemadikan di Makam Pahlawan.

Baginda berdua meluangkan masa sejam di Makam Pahlawan sebelum berangkat pulang pada jam 10.30 pagi. Allahyarham Tun Abdullah disemadikan di Makam Pahlawan pada 15 April mengikut Istiadat Pengebumian Negara. **BERNAMA**



Sultan Sharafuddin berkenan menyiram air mawar di pusara Allahyarham Tun Abdullah di Makam Pahlawan, Masjid Negara, semalam. Turut berangkat Tengku Permaisuri Norashikin. (Foto BERNAMA)